

èxtra

ARUBA

RUTA DI CARNAVAL A KEDA APROBA

ORANJESTAD (APA)

Durante un conferencia di prensa teni ayera mainta na Hulpbestuurskantoor e comision cu a ser instalá pa busca un ruta pa carnaval, a anunciá cu e decision a ser tumá y cu tur cos ta cla caba.

Un nota a ser trahá y entregá na gobierno. E instancia aki a bai di acuerdo cu e recomendacionnan y a aprobá nan. Adonis, di Domeinbeheer, a splica cu na momento pa scoge e ruta a tene cuenta cu diferente aspecto. Na promer lugar mester tene cuenta cu seguridad di trafico y orden publico. Otro aspectonan cu a tene cuenta cuné ta: e ruta mester pasa door di cayanan hanchu; mester tin menos obstaculo posibel (especialmente menos curva) ya cu esakinan ta loke ta causa e buraconan grandi den e parada; cu e camindanan cu ta

comunica cu e ruta mester por worde sera facil; cu riba e ruta mester tin camindanan cu por habri pa saka vehiculo o trailernan cu dañu; y cu e ruta mester cai pafor di centro di ciudad.

Tambe nan ta haya cu mester ta posibel pa na un forma coordina y rapido por yega na tur e sitionan den ciudad. Esaki ta ensera cu instancianan manera polis; ambulance; brandweer; ELMAR; WEB, na tur momento por drenta ciudad.

Mayoría di e miembronan di e comision, cu excepcion di e representante di DOOV, a bai di acuerdo cu e siguiente ruta: SALIDA na Fergusonstr.; Via Vondellaan; L.G. Smith Blvd.; Weststr.; Prof. Lorentzstr.; De La Sallestr.; Van Leeuwenhoekstr.; Caya Betico Croes; Verbindingsweg; Fergusonstr. y termina na Wilhelmina Stadion.

E ruta ta keda pa por lo

menos 5 aña cu e posibilidad e ta valido a largo plazo.

E representante di SAC lamentablemente no tabata

presente na e conferencia aki.